

PLAN DE ACTIVIDADES 2023

A AXENDA 2030, UN RETO LOCAL NUN MUNDO EN TRANSFORMACIÓN III

**FONDO GALEGO DE COOPERACIÓN E
SOLIDARIEDADE**

ÍNDICE

1. PLAN DE FORTALECEMENTO E ACCIÓN INSTITUCIONAL
2. PLAN SENSIBILIZACIÓN E COMUNICACIÓN
3. PLAN PROXECTOS DE COOPERACIÓN
4. ORZAMENTO

1. PLAN DE FORTALECEMENTO E ACCIÓN INSTITUCIONAL

➤ OBXECTIVOS A TRABALLAR

OBXECTIVO 1: INCREMENTAR A BASE ASOCIATIVA E A SÚA IMPLICACIÓN EN MATERIA DE COOPERACIÓN AO DESENVOLVEMENTO

OBXECTIVO 3: FOMENTO DE ALIANZAS ESTRATÉXICAS

🚦 ACTIVIDADES RELACIONADAS CO OBXECTIVO 1: INCREMENTAR A BASE ASOCIATIVA E A SÚA IMPLICACIÓN EN MATERIA DE COOPERACIÓN AO DESENVOLVEMENTO

ACTIVIDADE 1.1: Campaña de captación e sensibilización das administracións locais

A estratexia a seguir no 2023 para conseguir a adhesión de novos concellos ao Fondo Galego de Cooperación e Solidariedade pasa por establecer unha alianza cos principais partidos políticos con representación municipal, segundo os resultados obtidos tras as eleccións municipais do mes de maio. Deste xeito, procurarase a súa colaboración para trasladar a todos os concellos galegos que aínda non forman parte da nosa entidade os obxectivos e actividades da asociación municipalista, en vista de sensibilizalos fronte ao relevante papel que poden ter os municipios no eido da cooperación ao desenvolvemento.

Por tanto, serán realizadas reunións de información e sensibilización a nivel provincial con representantes das tres forzas políticas maioritarias, para logo despois convocar, tamén a nivel provincial, a todas as administracións locais non socias co obxectivo de dar a coñecer o Fondo Galego e animalas a formar parte do mesmo. A campaña será financiada pola Xunta de Galicia.

Orzamento: 3.000,00€

 Materiais visibilización: 1.700,00€

 Petiscos: 800,00€

 Desprazamento para as reunións: 500,00 €

🚦 ACTIVIDADES RELACIONADAS CO OBXECTIVO 3: FOMENTO DE ALIANZAS ESTRATÉXICAS

ACTIVIDADE 3.1: Fomento de alianzas estratéxicas

O Fondo Galego mantén unha relación de colaboración coa FEGAMP desde o ano 1998, que se materializou a través da sinatura de convenios entre as partes. O último con data do ano 2014. Por tanto, co obxectivo de procurar mellorar a sinerxía entre as partes, buscarase actualizar e renovar a alianza entre ambas asociacións municipalistas para

favorecer a consecución dos obxectivos de ambas entidades.

Por outra parte, serán realizadas reunións con outras entidades claves no sistema galego de cooperación ao desenvolvemento, como a Xunta de Galicia, Coordinadora galega de ONGD e outras entidades.

Orzamento: incluído en gastos de funcionamento.

ACTIVIDADE 3.2: Participación na Confederación de Fondos

O Fondo Galego de Cooperación e Solidariedade pasou a ocupar a Vicepresidencia da Confederación de Fondos a principios do 2020. A unión e traballo conxunto dos nove Fondos existentes a nivel estatal resulta crucial para a defensa da cooperación municipalista, nun momento de reforma da Lei de cooperación a nivel estatal que introducirá cambios importantes a nivel operativo. Así mesmo, desde a Confederación promóvense actividades conxuntas de interese para a cooperación municipalista.

Orzamento: 5.000,00 €

Cota 2022 e 2023: 5.000,00 €

2. PLAN DE SENSIBILIZACIÓN E COMUNICACIÓN

➤ OBXECTIVO E ACTIVIDADES

OBXECTIVO 4: FORMAR, INFORMAR E VISIBILIZAR SOBRE TEMAS DE SOLIDARIEDADE, DEREITOS HUMANOS E ODS ÁS ADMINISTRACIÓNS LOCAIS GALEGAS

🚧 ACTIVIDADES RELACIONADAS CO OBXECTIVO 4: FORMAR, INFORMAR E VISIBILIZAR SOBRE TEMAS DE SOLIDARIEDADE, DEREITOS HUMANOS E ODS ÁS ADMINISTRACIÓNS LOCAIS GALEGAS

ACTIVIDADE 4.1. Concurso de murais “Muros que unen VI”

O concurso de murais levado a cabo nas anualidades anteriores na cidade da Coruña amosou bos resultados en canto á participación e aceptación por parte dos colectivos que promoven a arte urbana. Non cabe dúbida, ademais, de que a arte urbana é unha das ferramentas máis potentes para visibilizar determinadas situacións de inxustiza e para sensibilizar sobre as desigualdades. Polo que, co obxectivo de continuar con esta innovación e sen perder a convicción da importancia das imaxes como ferramenta sensibilizadora, para o 2022 propónse unha continuación do concurso para representar nos muros da cidade outros 4 ODS. Esta actividade será financiada polo Concello da Coruña.

Orzamento: 20.022,79€

Preparación das áreas a pintar: 2.000,00 €

Premios: 6.000,00 €

Materiais para o pintado das obras: 1.200,00 €

Grúas, andamiaxe, casetas, baños químicos: 1.700,00 €

Deseño e impresión de materiais de difusión: 100,00 €

Desprazamentos, aloxamentos e manutención para xestión da actividade e pintado das obras: 1.408,48 €

Desprazamento e manutención para o xurado: 500,00 €

Custes indirectos: 2.000,00 €

Custo de persoal da técnica Carmen Novas Ferradás imputado á actividade: 5.114,31 €

ACTIVIDADE 4.2: IV Foro da Cooperación Municipalista da Lusofonía

En novembro de 2019 tiña lugar o Foro da Cooperación Municipalista da Lusofonía polos ODS, que reuniu a representantes dos gobernos locais e rexionais de Mozambique, Cabo Verde, Guinea Bissau, Angola, Portugal, Santo Tomé e Príncipe e Galicia. Froito deste encontro emanaron dúas propostas: Realización do Foro anualmente, quedando fixada

a cidade de Lisboa para o 2020 e elaboración dun memorando de entendemento a asinar entre as partes participantes. Debido á evolución da crise do COVID 19 a nivel internacional, o Foro de Lisboa quedou sen poder ser realizado. Para evitar parálises ou retrocesos no momento inicial de constitución da Rede, no 2021 o II Foro foi realizado de maneira semipresencial na cidade de Braga (Portugal). No ano 2022, Cabo Verde foi o país acolledor do evento, contando como anfitrión coa Asociación Nacional de Municipios Caboverdianos. Tivo lugar os días 7 e 8 de xullo na cidade de Mindelo. Na presente anualidade, o IV Foro terá lugar en Santo Tomé e Príncipe, no último trimestre do ano. A Xunta de Galicia será a entidade financiadora do evento.

Orzamento: 39.500,00€

Viaxes internacionais: 25.000,00 €

Aloxamentos: 8.000,00 €

Manutención: 3.000,00 €

Elementos de visibilización: 2.000,00 €

Elaboración de vídeos e fotografías: 1.500,00 €

ACTIVIDADE 4.3: II Encontro Estatal de Governos Locais e Cooperación Internacional ao Desenvolvemento.

O I Encontro Estatal de Governos Locais e Cooperación Internacional ao Desenvolvemento, celebrado en novembro de 2021 na cidade de Córdoba, foi unha cita á que acudiron máis de 350 representantes de gobernos locais, provinciais e autonómicos de todo o territorio estatal, baixo a organización do Fondo Andaluz de Municipios pola Solidariedade Internacional (FAMSI), a FEMP e a Confederación de Fondos de Cooperación e Solidariedade.

Este evento supuxo a xeración dun espazo de debate, diálogo e traballo sobre a cooperación ao desenvolvemento específico para o ámbito local, obtendo como resultado unha gran repercusión institucional e un maior interese cara á cooperación municipalista. Esta primeira cita culminou coa Declaración de Córdoba, na que se destacaba, entre outras cuestións, a reafirmación da cooperación municipalista como unha ferramenta fundamental da acción exterior dos nosos municipios, constituíndo unha singularidade das administracións locais do territorio estatal. Así mesmo, propúñase unha maior participación das administracións locais nos espazos de debate e toma de decisión en relación á cooperación internacional.

Para o II Encontro Estatal, o Fondo Galego de Cooperación e Solidariedade toma a testemuña e dá continuidade ao espazo xerado polo Fondo Andaluz de Municipios pola Solidariedade Internacional (FAMSI), coa pretensión de retomar o diálogo, ás portas da aprobación da Lei de Cooperación para o Desenvolvemento Sustentable e a Solidariedade Global. Lei, que doutra banda, remarca o papel dos municipios, deputacións, mancomunidades e as súas redes, en materia de cooperación

internacional ao desenvolvemento. Un fito histórico tras 40 anos de traxectoria da cooperación municipalista, que virá supor un antes e un despois, para gañar en coherencia, eficacia e eficiencia da nosa cooperación.

Entre os axentes que integran o ecosistema da cooperación municipalista, os Fondos municipalistas de cooperación coordínanse a través na Confederación de Fondos de Cooperación e Solidariedade, que este ano cumprirá 28 anos de percorrido, e que emerxe como marco de representación conxunta do nove Fondos que o compoñen en todas as temáticas que, pola súa importancia, afectan os seus intereses comúns. Xunto a ela, a Federación Española de Municipios e Provincias supón o máximo órgano de representación da voz municipal en España.

No ano 2023, este evento volverá reunir a gobernos locais, provinciais e rexionais e a unha ampla representación estatal e internacional, dando voz tamén aos nosos socios do Sur Global.

Esta segunda edición conta coa colaboración e impulso de diversas administracións e entidades, tales como: a Dirección Xeral de Políticas de Desenvolvemento Sustentable (DGPOLDES) da Secretaría de Estado de Cooperación Internacional (SECI), do Ministerio de Asuntos Exteriores, Unión Europea e Cooperación; a Axencia Española de Cooperación Internacional para o Desenvolvemento (AECID); a Xunta de Galicia; o Programa DEAR da UE, a través do proxecto People and Planet; o Concello de Lugo e a Deputación de Lugo.

ACTIVIDADES DENTRO DO PROXECTO PEOPLE AND PLANET

ACTIVIDADE 4.3: Accións de rúa

Comunicación de guerrilla: O espazo público adoita ser o escenario desta técnica comunicativa nada convencional, que subverte a linguaxe da publicidade para chamar a atención sobre determinadas problemáticas, podendo utilizar o mobiliario urbano ao seu favor. Transgresora, aínda que non necesariamente molesta e a miúdo divertida, a comunicación de guerrilla emprega o enxeño e a creatividade para acadar maior impacto e provocar a reflexión.

Performance: Actrices, músicos, bailarinas... irrompen nun lugar público para poñer en escena unha actuación inesperada coa que denunciar algunha inxustiza, resignificando ese espazo e provocando a reacción do público. Unha das formas de performance máis coñecidas son os flashmobs, nos que normalmente se interpreta unha coreografía ao son dunha canción, que mesmo pode gravarse e converterse en viral. Será benvida a participación dos grupos de música e danza dos municipios. Serán un total de 15 concellos beneficiarios no ano 2022. As actividades serán financiadas polo programa DEAR da Unión europea.

Orzamento: 28.105,50 €

Cinco accións de comunicación de guerrilla: 8.200,00 €

Dez accións de permformance: 19.905,50 €

ACTIVIDADE 4.4: Cambio climático no prato

Coa teima de promover estilos de vida máis sustentables, realizaranse dez obradoiros de cociña nos que, aplicando un enfoque integral, se terá en conta o ciclo de vida dos alimentos, desde o lugar onde se produciron ata que son servidos na mesa. Con esta información, poderanse tomar decisións máis acertadas sobre a saúde das persoas e do planeta. Asemade, empregaranse produtos de proximidade (km 0), promovendo así a reflexión sobre o consumo enerxético, a pegada hídrica ou a economía local. Poderán beneficiarse ata un máximo de 12 concellos. A actividade será financiada polo programa DEAR da Unión Europea.

Orzamento: 11.555,50 €

Contratación entidade/persoa para impartir as 12 sesións: 11.555,50 €

ACTIVIDADE 4.5: Exposición de realidade aumentada

Para conectar o noso contexto coa realidade dos países do Sur e como lles afecta o cambio climático, crearase unha exposición de realidade virtual que xirará por diferentes municipios. As persoas que a visiten poderán vivir na súa pel situacións que lle axudarán a comprender a relación entre os nosos actos e o seu impacto no ámbito global, poñendo de relevo a necesidade introducir cambios na nosa vida cotiá. A actividade será financiada polo programa DEAR da Unión Europea.

Orzamento: 58.689,74 €

Contratación de entidade para deseño e elaboración da exposición:
58.689,74 €

ACTIVIDADE 4.6: Consello climático xuvenil

A implicación directa da mocidade nos problemas ambientais do concello e na súa resolución é chave neste proxecto, polo que en maio de 2021 catro municipios puxeron en marcha cadanseu consello integrado por mozas e mozos de entre 15 e 34 anos que asesorarán ao goberno local nesta materia. Persoal especializado encargárase de dinamizar as xuntanzas mensuais, propoñendo un tema de debate e recollendo ideas sobre estilos de vida sostibles. Representantes destes concellos participarán despois nun campamento de mocidade europea en Portugal para elaborar unha guía ao respecto. A actividade será financiada polo programa DEAR da Unión Europea.

Orzamento: 14.413,22 €

Contratación entidade experta para dinamizar o CCX: 14.413,22 €

ACTIVIDADE 4.7: Apagón ambiental

En liña con outras iniciativas que nos convidan a apagar as luces das casas para conmemorar algunha efeméride medioambiental, propónse que a Casa do Concello ou outro monumento emblemático do municipio quede sen iluminación, a unha hora concreta, coincidindo co Día Mundial do Medio Ambiente, o 5 de xuño. Preténdese así chamar a atención sobre a crise climática e a importancia de implicarse na defensa ecolóxica.

Orzamento: incluídos nos gastos de funcionamento.

ACTIVIDADE 4.8: Axenda 2024

As axendas son un material de papelería case imprescindibles para o persoal técnico e político das administracións locais. Polo tanto, o Fondo Galego promoverá a elaboración dunha axenda propia, elaborada con materiais reciclados e na que se destaquen as datas relativas á solidariedade e Dereitos Humanos. A axenda versará sobre os Obxectivos do Desenvolvemento Sostible.

Orzamento: 10.278,43 €

Deseño, impresión e envío das axendas: 10.278,43 €

3. PLAN ÁREA DE PROXECTOS DE COOPERACIÓN AO DESENVOLVEMENTO

➤ OBXECTIVOS E ACTIVIDADES

OBXECTIVO 5: ELEVAR A COOPERACIÓN COS PAÍSES DO SUR AO EIXO CENTRAL DE ACTIVIDADE

🚩 ACTIVIDADES RELACIONADAS CO OBXECTIVO 5: ELEVAR A COOPERACIÓN COS PAÍSES DO SUR AO EIXO CENTRAL DE ACTIVIDADE

ACTIVIDADE 5.1: Proxectos de cooperación directa

Dando continuidade ao impulso da cooperación directa realizada na pasada anualidade, propónse continuar apoiando directamente iniciativas de cooperación nos países do Sur. A cooperación directa estará focalizada nos países de Mozambique e Guinea Bissau.
Orzamento: 31.752,63 €

ACTIVIDADE 5.2: Axuda Humanitaria ou de emerxencia

Resérvase unha partida para axuda humanitaria, fundamentalmente para paliar as consecuencias das crises derivadas de catástrofes naturais ou humanitarias.
Orzamento: 22.000,00 €

ACTIVIDADE 5.3: Convocatoria de proxectos para ONGD

No mes de decembro do 2022 foi aberta a convocatoria de proxectos para ONGD. O prazo de presentación de solicitudes rematou o 31 de xaneiro de 2023. A convocatoria está dotada de 100.000€. Cada proxecto aprobado poderá ser financiado ata con 25.000,00€.
Orzamento: 100.000,00€

ACTIVIDADE 5.4: Especialistas en Cooperar

A través deste programa 2 persoas que sexan persoal técnico de concellos ou deputacións terán a oportunidade de desenvolver unha tarefa técnica nalgún dos proxectos de cooperación que apoia o Fondo Galego. As viaxes terán lugar nesta anualidade.
Orzamento: 9.850,00 €

Viaxe, aloxamento e estadía para 1 persoa coa Fundación Encontro: 2.250,00 €

Viaxe, aloxamento e estadía para 1 persoa no municipio de Nhamayabue (Mozambique): 4.000,00 €

Viaxe, aloxamento e estadía para 1 persoa en Cabo Verde: 3.600,00 €